



Broj: 10/E-11-3802/24
Sarajevo, 01-07-2024 . godine

Na osnovu člana 69. stav (2) tačka d) i člana 70. stav (1), (4) i (6) („Službeni glasnik BiH“, broj 39/14 i 59/22), člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na člana 69. Statuta Općine Centar Sarajevo - Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-238/24 od 25.03.2024. godine, (u daljem tekstu: Komisija III), u postupku javne nabavke mobilne pumpe za vodu Službi za zaštitu od požara, formirana pri DVD Bjelave, putem otvorenog postupka (Zapisnik o pregledu i ocjeni ponuda broj: 10/E-11-3802/24 od 26.06.2024. godine), Općinski načelnik donosi

O D L U K U

o poništenju postupka javne nabavke

I Poništava se postupak javne nabavke mobilne pumpe za vodu Službi za zaštitu od požara, formirana pri DVD Bjelave, putem otvorenog postupka, Obavještenje o nabavci broj: 848-1-1-36-3-72/24 od 24.05.2024.godine i Ispravka za obavještenje o nabavci broj: 848-1-1-36-8-75/24 od 30.05.2024.godine, iz razloga što nijedna primljena ponuda nije prihvatljiva.

II Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.

III Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak za javnu nabavku mobilne pumpe za vodu Službi za zaštitu od požara, formirana pri DVD Bjelave, pokrenut je Odlukom Općinskog načelnika o pokretanju postupka broj: 10/E-11-3802/24 od 24.05.2024. godine, putem otvorenog postupka.

Obavještenje o nabavci broj: 848-1-1-36-3-72/24 od 24.05.2024.godine i Ispravka za obavještenje o nabavci broj: 848-1-1-36-8-75/24 od 30.05.2024.godine, kao i Obavijest o ispravci tenderske dokumentacije od 11.06.2024.godine, objavljeni su na Portalu javnih nabavke.

Procijenjena vrijednost javne nabavke iznosi 55.555,00 KM bez PDV-a.

U roku za predaju ponuda koji je određenom tenderskom dokumentacijom (21.06.2024. godine do 11:00 sati), na adresu Ugovornog organa dostavljene su 3 (tri) ponude, predate od ponuđača „NEXIS“ d.o.o. Sarajevo, „MIPEX-AUTO RS“ d.o.o. Banja Luka i „PASTOR M“ d.o.o. Mostar.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su cijene ponuda, kako slijedi:

r/b	PONUĐAČ	Cijena mobilne pumpe bez PDV-a	Popust	Registracija mobilne pumpe (prikolice)	Ukupna cijena sa popustom i PDV-om i registracijom
1.	„NEXIS“ d.o.o. Sarajevo	55.255,00	-	300,00	64.948,35
2.	„MIPEX-AUTO RS“ d.o.o. Banja Luka	55.000,00	-	649,35	64.999,35
3.	„PASTOR M“ d.o.o. Mostar	55.500,00	-	0,00	64.935,00

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacije ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Tom prilikom Komisija III je u postupku javne nabavke mobilne pumpe za vodu Službi za zaštitu od požara, formirana pri DVD Bjelave, nakon detaljne analize prispjelih ponuda, konstatovala da ponuda ponuđača „NEXIS“ d.o.o. Sarajevo nije prihvatljiva, te se ista isključuje iz daljeg postupka evaluacije.

Naime, ponuda ponuđača „NEXIS“ d.o.o. Sarajevo nije dostavljena u skladu sa uslovima tenderske dokumentacije, odnosno nisu ispunjeni slijedeći uslovi:

-nije dostavio važeći Obrazac za cijenu ponude-robe (Aneks 2)

-za tačku 7. 3. TEHNIČKA I PROFESIONALNA SPOSOBNOST nije dostavio dokaz o ispunjavanju uslova:

b) da daje garanciju za isporučenu mobilnu pumpu minimalno 12 mjeseci bez ograničena radnih sati

7.3.2 Za ispunjavanje uslova iz tačke 7.3.1. ponuđači su dužni u ponudi dostaviti:

b) Izjava na memorandumu ponuđača, potpisana i ovjerena od strane ovlaštenog predstavnika ponuđača, da daje garanciju za isporučenu mobilnu pumpu minimalno 12 mjeseci bez ograničena radnih sati.

Ponuda ponuđača „NEXIS“ d.o.o. Sarajevo se zbog gore navedenog isključuje kao neprihvatljiva u skladu sa članom 2. stav (6) tačka I) pod 2.

Također, Komisija III je u daljem postupku detaljne analize prispjelih ponuda, konstatovala da ponuda ponuđača „MIPEX-AUTO RS“ d.o.o. Banja Luka nije prihvatljiva, te se ista isključuje iz daljeg postupka evaluacije.

Naime, ponuda ponuđača „MIPEX-AUTO RS“ d.o.o. Banja Luka nije dostavljena u skladu sa uslovima tenderske dokumentacije, odnosno ponuđač nije pravilno popunio Obrazac za ponudu (Aneks I) kao ni Obrazac za cijenu ponude (Aneks 2).

Kako je tačkom 3.3. tenderske dokumentacije navedena procijenjena vrijednost nabavke bez PDV-a u iznosu 55.555,00 KM a koja obuhvata mobilnu pumpu sa prikolicom i registracijom, utvrđeno je da je ponuđač dostavio ponudu koja prelazi procijenjenu vrijednost.

Ponuda ponuđača „MIPEX-AUTO RS“ d.o.o. Banja Luka se zbog gore navedenog isključuje kao neprihvatljiva u skladu sa članom 2. stav (6) tačka I) pod 2.

Također, Komisija III je u daljem postupku detaljne analize prispjelih ponuda, konstatovala da ponuda ponuđača „Pastor M“ d.o.o. Mostar nije prihvatljiva, te se ista isključuje iz daljeg postupka evaluacije.

Ponuda ponuđača „Pastor M“ d.o.o. Mostar nije dostavljena u skladu sa uslovima tenderske dokumentacije, tj. ponuđač nije pravilno popunio Obrazac za cijenu ponude (Aneks 2). Naime, u Obrascu za cijenu ponude – robe u Aneksu 2 nije vidljivo da li je ponuđač ponudio tražene tehničke karakteristike mobilne centrifugalne pumpe, odnosno nije iste označio u koloni sa DA ili NE. Ponuđena jedinična cijena tražene robe se razlikuje od ukupne cijene sa popustom bez PDV-a. Također, ponuđač je ponudio cijenu za registraciju mobilne pumpe (prikolice) u iznosu od 0,00 KM, što nije u skladu sa tačkom 1. Napomene Obrasca za cijenu ponude-robe (Aneks 2).

Ponuda ponuđača „Pastor M“ d.o.o. Mostar se zbog gore navedenog isključuje kao neprihvatljiva u skladu sa članom 2. stav (6) tačka I) pod 2.

Ponuda je dokument koji priprema i podnosi ponuđač u postupku javne nabavke, pri čemu nudi isporuku robe, pružanje usluge ili izvođenje radova, pod uslovima koje određuje ugovorni organ u tenderskoj dokumentaciji.

Prihvatljivom ponudom se smatra ponuda koja u potpunosti ispunjava uslove koje je u tenderskoj dokumentaciji postavio ugovorni organ, kako u pogledu dokazivanja kvalifikovanosti, tako i u pogledu ispunjavanja zahtjeva iz tehničkih specifikacija, kao sastavnog dijela tenderske dokumentacije. Da bi ponuda bila prihvatljiva mora ispunjavati sve zahtjeve definisane tenderskom dokumentacijom.

Članom 68. stav (4) tačka i) Zakona o javnim nabavkama pripisano je da je ugovorni organ dužan odbaciti zahtjev za učešće ili ponudu u slučaju da ponuda nije potpuna i ne ispunjava zahtjeve iz tenderske dokumentacije, a članom 69. stav (2) tačka d) istog Zakona je propisno da je ugovorni organ obavezan da poništi postupak javne nabavke u slučaju da nijedna od primljenih ponuda nije prihvatljiva.

S tim u vezi Komisija III je dala prijedlog Općinskom načelniku da u skladu sa članom 69. stav (2) tačka d) Zakona o javnim nabavkama donese odluku o poništenju postupka javne nabavke, iz razloga što dostavljena ponuda nije prihvatljiva.

Općinski načelnik je saglasan sa prijedlogom Komisije III koja je u postupku pregleda i ocjene ponude postupala u skladu sa Zakonom o javnim nabavkama, podzakonskim propisima i tenderskom dokumentacijom za predmetu nabavku.

Iz navedenih razloga, primjenom člana 69. stav (2) tačka d) Zakona o javnim nabavkama („Službeni glasnik BiH“, broj 39/14 i 59/22), odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama.

Naknada za pokretanje žalbenog postupka iznosi 800,00 KM u skladu sa članom 108. stav (1) tačka b) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Prilog: Zapisnik o pregledu i ocjeni ponuda
broj: 10/E-11-3802/24 od 26.06.2024. godine



Dostaviti:

1. Ponuđačima:

- „NEXIS“ d.o.o. Sarajevo, ulica Mehe Smailagića broj 76, 71000 Sarajevo
- „MIPEX-AUTO RS“ d.o.o. Banja Luka, ulica Miloša Crnjanskog broj 55, 78000 Banja Luka
- „PASTOR M“ d.o.o. Mostar, ulica Put za Aluminij bb, 88000 Mostar

2. Kabinetu općinskog načelnika – Odsjek za javne nabavke

3. Službi za civilnu zaštitu

4. Službi za finansije

5. U spis

